


藏事十則



MG
K291.3



致



藏事十則

巴陵李鼎原呈希

珣陳廓尔喀關係主權亟宜宣撫狀



103
197



藏事十則弁言

凡立言貴紀實而紀實之言耳聞莫如目見以耳聞者追維陳迹輾轉稱述謠舛失真目見者直陳切近情形可供時世研究而急起直追以彌縫補救之西藏與蜀鄰去京師萬餘里去蜀亦七八千里京師士大夫但言東三省蒙古而不及西藏予蜀人常以藏變始末詢之自藏至者無人能道其詳蓋赴其地者多商賈兵卒不能操筆紀事亦有投戈志士處此邊徼孤荒風氣寒冽戰爭危殆情事雜揉非身隻騎單即楮枯墨凍非心怵神慄即意炫目迷所見旋遷有聞不入匪暇自計遑言借箸而當其事者又以跡涉猜嫌率皆噤若寒蟬無肯自道其實直使主持危局者病之甲寅夏晤雷君白貞常以精警律調藏官拉薩每言西藏變亂慷慨太息至於流涕累日不能終其說予慨然曰盍記一冊使人伏案披尋勝於侈口論說而入耳輒忘也雷

君曰予友李君百榮著有西藏實錄一書脫稿當取奉覽李君為湘東貢士誠篤勤敏負氣節官予蜀長吏以護廓爾喀貢差能接洽番使察悉邊情奏任西藏糧務錢法府事諳練既深兵民愛戴墊餉鉅萬毀家以償視治官如治家事曰必有記藏亂起訖皆所親睹近乃條列藏事十則及廓爾喀關係陳之元首因請揭其稿餉予繼則以其所陳者進把卷終篇瞿然曰此乃有關時世之文實言人所不能言所不敢言者祕之內府曷若慇懃排印公之同志萬一同志有撫藏者執此卷而推求致用真際滌瑕補隙批卻導教熟慮深籌固我邊圉既以保西藏即以保全蜀既以保全蜀即以保中原則李君著述之功與吾子慇懃之力不其偉歟雷君唯唯屬為弁言予因序其排印之原始

中華民國三年五月

日蜀西明生萬慧珠

原呈藏事十則

因序其排印之原始

中華民國三年五月

日蜀西明生萬慧珠

原呈藏事十則

前西藏軍糧錢法府提調拉薩巡警事務李鼎呈為西藏危急密陳管見以資挽救事敬呈者竊民國成立西藏即乘機背叛外人虎視鷹瞵顯有中梗之勢中央議征或撫幾無對付之方貽誤事機以至今日推其遲回審顧皆由難悉藏中真象不免為人所欺鼎在藏三載從公藏亂發生迄於終止種種情狀確備見聞謹將言人殊者特徵為事實為我

大總統一一詳陳之

一西藏變亂之原因 西藏漢兵之變也始終皆由駐藏大臣聯豫激成緣陸軍統領鍾穎所帶兵隊盡係川中舊部感情極洽當辛亥四月聯豫派令攻取波密永勝復委任左參贊羅長綺往代其軍名鍾穎回藏波密以旋得邊軍協擊就平然漢兵

見舊主已去與聯豫之急感遂因之而日深洎九月四川路事風潮流播西藏宿怨所歸乘機起變亦勢使然也彼時鍾穎聞居藏中右參贊錢錫寶見亂勢日熾知亂兵又係鍾之舊部始勸其出為維持聯豫得由扎什城釋回原署鍾穎至是藉收拾亂兵之名施報復私仇之手密使人殺羅長綺於山南道上法科參事范金書記李維新皆相繼被殺最後更慘殺何光燮父子組織勤王軍以聯豫為主帥佑索三大寺出餉銀十萬兩作回川路費令傳集烏拉五千餘匹藏人見漢兵勢盛不敢抗違當將銀馬立刻辦到無如漢兵得餉過多大肆淫賭轉瞬用盡隨即自相搶劫人心大憤而自波密潰歸土兵統帶謝國樑隊官陳玉山巡警區官汪子文林洪才等逃亡噶廈藉謀生路漢藏戰爭之機即伏於此矣噶廈藏官辦事政務軍機處

一西藏戰爭之事實 西藏隸我版圖異常恭順初無意與我擅開戰端實由壬子

二月漢兵搶劫色拉寺藏人見漢兵驕橫太甚始募土兵成萬以謝國標等為將領一面圍攻鍾穎一面迎接達賴回藏宣布獨立時聯預避居蟬蚌寺院將藏事付託鍾穎鍾穎以勢處危迫急求班禪赴援酣戰六月分防江孜後藏江達波密各兵均以無子彈無糧餉潰敗拉薩一軍雖死守使署然腹背受敵終難久持延至七閱月廓爾喀始出調處停戰以繳槍回國結果其說好之約有四

(一) 槍彈交廓人手封藏藏中後無漢廓藏三面人齊不得擅取

(二) 陸軍全行退伍由印度回國其欽差糧台夷情仍照舊駐藏

(三) 欽差准留槍三十支統領准留槍六十支

(四) 漢兵出關後所有前此兵變損失財產房屋須照實議賠

西藏戰爭之反覆 漢兵不聽調遣故有壬子二月之失敗達賴懼援兵不能抵

禦故有六月之停戰既聞漢兵去之過半故有八月之再戰相持逾經兩月死亡枕藉失喪尤多故十月復有二次停戰之舉漢兵西歸並助漢喇嘛相隨而行達賴恨之最甚以罪人未得故十一月又有康礪之夜龍察其心跡已非向日易調觀其情形實為孤注一擲耳

一西藏內容之真相 西藏東西相距八千里南北亦三四十里四山要塞天塹恆多實亦天險之區足以自立然人民蠢愚不諳戰事收服亦最易此次漢藏互訐藏人以十萬餘戰漢兵千餘復得漢兵槍枝五六百桿購自英俄日者二千餘桿廓土兩國代造慢利塞數千桿乃相持至六七月死者萬奇對於孤軍深入之漢兵終不能決一勝負肯聽廓人說好停戰其蠢愚制可見一斑况班禪撫有後藏素與達賴不洽當漢藏開戰之始即令蟬蚌寺幫喇嘛兵千餘人又暗助糧秣甚多且復聯絡地

穆佛寺與色拉寺抵抗波密地大物博畛域向嚴兼之新經漢兵勦平始終不敢附和達賴竹巴一部卑謀獨立達賴得五族共和之電心許投誠其疑慮不決者牽涉於英之保護而又懾於我之政體或有變更耳內容既不服統率人心復難期一致且內庫空虛子彈絕少器械不備糧糈不儲智識不開實可不戰而就帖也前經畧使尹昌衡年費百數十萬身坐鑪城未出關門一步屢電報捷邀功又不肯滇軍協進不可謂非誤失時機也

一西藏外廓之富强 廓爾喀國名曰尼巴爾又曰巴勒布都城曰陽布清乾隆朝與藏交兵遣福康安由新疆帶兵逾青海越沙漠出後藏討平之其國有五隘口曰絨轄曰濟隴曰聶拉木曰宗喀曰定結皆天險不可飛度四週皆大山中多平原東西相距千二百里南北二三百里氣候溫暖人民壯實稻麥饒裕礦產雄厚產犀象

象則資為兵用能負千鈞陟山險如履平地舉境三千餘匹悉為國有而畜於民有事則集而編為隊光緒季年覲貢之副使格爾倬熱曾司掌之正貢使沛熱扒哈都熱通英文來中國即學識漢字能舉其國之所有用英漢合文譯指之鼎在川承乏護貢事結納日久諮詢所及得知其國勢內容之詳足為西藏捍衛中國西顧之憂可舒也

一英人在藏之詭謀 江孜以西至亞東八百餘里密布郵電建設棧館英人早視為屬國附庸之地壬子漢藏開釁援助達賴回藏至江孜乃割七邁里地酬其勞時班禪往迎達賴惡其助漢罰銀四萬兩由英領事奏冬梁墊給班禪書有字據交英人收存後達賴由江孜回藏英兵又為修理至藏之道路一面添駐多兵於江孜並鼓吹藏人與我反對十一月二次停戰漢兵回國英人遂將江孜兵移駐拉薩達賴

慮經濟困難將鹽場抵押英金四萬磅而使坐收漁利不惜墮其譎術中也

一英人在藏之商戰 西藏五礦徧地金礦尤旺外人涎視已久藏人尚守迷信不肯開採有竊掘之者往往傭工婦女亦尚金飾所用物品多自外來食品僅青稞小麥山南翠南工布竹巴波密出產與內地同然種植不講地力仍多自棄毛皮茸麝皆出產大宗川茶輸入無慮數十百萬光緒二十九年中英立約准通商江孜亞東其意寧止在商觀於近因漢藏之戰侵越租界厚增兵實足知西力東漸大有一日千里之勢且麻竹林在東印度之東一片平原越山二百餘里即亞東早已電線如絲鐵道直達竹巴橫互亞東西北亦已為英保護廓爾喀在竹巴之西後藏之西南宣統二年英人與中政府交涉未了若任其經營無已將來鐵道繞越喜拉雅大山西北申志於廓爾喀而後藏拉薩之險失東北由野番間道出昌都而洛隆宗嘉至

橋之險失康衛四川門戶也即金沙岷江之外奧巴塘裏塘既無重關可限則咫尺
鑪門必難設險而守而瓦斯溝鑪定橋之險又失飛越關佛耶嶺我固恃為鳥跡難
到者人亦必以鼠行而來雅河一去成都危矣滇南且失其肩背況已據揚子江流
域之上游哉

一進兵西藏之要道 西藏道路艱險為世界所罕有自壬子開釁後局勢為之大
變進兵之難亦百倍於前前旅藏漢人甚多藏番常為我作戰備今則無一漢人行
跡全藏兵力已悉集於東南設險以阻我進兵之道今如進兵西藏而道路為第一
要著雲南之道有二一由阿敦子經鹽井至襄城襄城以南取道中波密屬之白馬扛
過瀾滄江至距藏十二站之噶鷄噶鷄前進道路平坦可直達拉薩亦可由襄城北
行至距藏三十一站之昌都一由中甸至波密界連之野番西行可至距藏八站之

工布此路天氣和暖糧食豐足素為全藏所仰給又經波密初經勒平此次漢藏戰爭是處人民謹守中立若將來大兵到此匪特可作假道之虞並可用為興漢之蜀四川之道有三一由打箭鑪出巴裏塘至昌都或由巴塘南行至襄城波密取滇軍道亦可東北行經長壩春千孜至昌都一由鹽源縣過上瞻對至德格德格以南小路甚多均可至昌都昌都為全藏藏門戶亦為川兵進藏之孔道由此前行有二道一正西行經恩達碩板多二十日可至距藏十一點之拉里再進至距藏六站之江達即東大路一東北行過浪蕩溝六日至三十九族該族人民二十餘萬純係漢族為岳鍾琪屯兵之後裔地方七八百里天氣清和出產豐富人民强悍宣統元年川兵進藏驅為前敵十七站至碧魯再四日即合拉里大道甘肅之道一由西甯青海開拔過通天河經哈拉烏蘇八十日行抵拉薩此道多沙漠寒瘠之地無深川峻嶺相阻絕須糧

芻棚帳俱備平時歲有騾馬千餘匹運食用物品八九月到藏一次以貨馬易藏產而去利用此以行軍兵臨山下彼且不覺出奇計無逾於此

一挽救西藏之祕計 藏亂發生於今三載其所以積極延宕者實因交通斷絕無從得雙方認否實際耳西藏官民與我感情素稱輯睦即戰爭後多數人思漢之心甚切不過謝國樑等勢成騎虎身居噶廈為達賴掌理政務軍機廓爾噶僻處極邊一隅視若甌脫英人乘此時機暗地組織故意使會議延長中央以聲息難通摩畫諸多棘手達賴則自幸其道遙獨立如故為今之計陽示川滇秦隴合兵征進陰遣員慰勸達賴一面招致謝國樑一面聯絡廓爾喀查謝國樑本湘士具有英鷲果毅之氣聯豫安募土兵統帶訓練精實校閱時槍法命中視川兵且或過之攻取波密獨當一路厥功甚偉藏變_糧絕兵潰猶復許偕陳玉山汪子文林洪才密議推舉羅長

綺都督藏事旋以羅長綺迅程單騎奔藏中道被戕懼禍及身而遁歸達賴亦勢所迫也查廓爾喀地不及藏地十分之二近來軍隊奮強槍械堅利在英人有小日本之稱廓主派有噶布丹駐藏并歲有額兵為我守唐古特地鼎在糧府任內與謝國樑朝夕過從者汪子文林洪才俱供警職與該噶布丹時有交接事廓人與漢官商民亦異常親密且藏人均有敬畏廓人之心漢藏戰時與我常通聲氣說好停戰之後藏人逼我漢官全行出藏時廓人有興師責罪藏人失言之舉若非班禪善為理說斷不能屹然中止今中央果能從此著手辦理則謝國樑等見祖國斂兵貴命而至勢必力勸達賴解釋前嫌翊贊共和政體而即利用廓爾喀說好之約第二條廓人必極力助我乘此時機恢復原狀則少數藏人抗漢之力亦甚微英人雖欲梗蔽其中更無所施其譎計也此就往日主觀察悉藏情參驗現在客觀事實而計畫之

一西藏將來之善後 西藏在前清為中國藩屬自民國肇造五族共和純然民國領土也宜何如益加讓我修治乃以遜國官民釀亂之故使我淨潔藏土被他人越俎代謀實世界各國所最注意之事在中華民國之西藏英人固無交涉可言者今中印藏事會議解決後之進行亟循軌道而馳仍無失於固有之權利也竊謂前嫌既釋中藏輯睦應勝從前由是分置設治與川邊分劃為區首在弭兵槍械收藏武庫次辦警察交涉撤退英兵郵電急速接施台站因而規復達賴例俸倍加於前各寺院喇嘛徒弟披單銀兩照舊支給其有前清官吏累欠有案者澈查追究補償各官治所業已從新改設表面雖壞根基猶存逐漸規復亦不甚難皮毛製造銅銀鼓鑄以及學堂祀典一切均照內地改良辦法以歸劃一益稅釐捐歲有額取并可擴充江孜亞東尼庫三關工布江達通天河等處進口貨將及試辦收稅墨竹宮煤礦

絕佳業經開採足供藏用皮毛出口大宗竹木閭地而有果能一體整理得法稅率所出藉可補助行政經費若夫丈地徵糧畜牧樹殖雖可次第畢舉尚待因地向機至於現在所急需之款除損失應加撫卹及建築郵電公署另由中央徵集行省協籌接濟外則四川籌撥糖油新捐每年五十萬兩仍飭照舊批解以上各端頭緒粗諳或為開始熟商固非一蹴難躋之事惟本所知以獻略抒千慮一得之愚是否有當伏乞

裁省於萬一藏事幸甚大局幸甚

中 華 民 國 三 年 三 月 十 六 日 李 鼎 謹 具

附錄原批

原批恭錄

三月二十日

國務院第一百九十六號批原具呈人前西藏軍糧錢法府李鼎奉

大總統發下呈一件閱悉已分交外交陸軍參謀農商各部並蒙藏事務局查核辦理矣此批

國務總理孫寶琦

附再陳廓爾喀關係主權亟宜安撫狀

呈為藏務交涉險象環生謹密陳管見以資籌辦事竊鼎於前月以藏事始末真象詳情籲請挽救維繫大局等情上陳奉

國務總理孫 批奉

大總統發下呈一件閱悉已分交陸軍參謀外交農商各部並蒙藏事務局查核辦理等因仰見

大總統憂勤謀國注重邊遠芻蕘之言在所不棄伏讀之下欽佩莫名惟鼎更有陳者夫患事當未發生以前固宜豫防其出見若既至出見又當探其本原所自則調劑不致困難而枝節亦免橫生查自西藏變亂以來內有謝國樑等離心祖國外有英人諳地詭謀淒風慘雨愈演愈烈遷延兩載著手無端幸賴

大總統聲威所訖威能頌首就約會議於印度方期迅速解決永回西南屏藩乃不意譚判屢開至有廓爾喀商人在藏損失被英唆使要求加入中英藏會議賠償一條似此枝節橫生妨礙民國主權實非淺鮮查廓爾喀世為中國藩屬廓商在藏有何損失當由政府從優撫卹不應闖入國際交涉使英人市惠於廓為他日利用地步即以五大民族組織共和而論尤應享同等惟一之權利與五色國旗共相輝映孜廓在中國朝貢不絕者近二百年東南之藩籬早已盡撤即自民國建造外蒙西藏相繼獨立增我煩憂惟廓爾喀匪特不生心攜貳且對於西藏變亂屢出調停多方解釋先是業已定期朝貢擬不日首途傳達至各台站鼎時在糧府任內方承辦此護貢事宜與駐藏之廓官噶布丹整鞍以待嗣以藏亂交通阻塞遽爾中止只得報告辦事長官說明原因事平再計準此以觀廓人蓋亦民國之功勳卓絕者固

不特為中國順民也斯時也論功行賞宜遣一介之使冊封宣慰解釋共和意義且須明示以漢滿蒙回藏五族之中未列入廓人者實因廓人信仰回教自隸回族不另立名義種種理由明白宣布務使廓人渙然冰釋乃未計及此不免令廓人在民國成立之後五族共和應列入何族殊不自明瞭而我中央亦以無從懸揣漠然置之然廓人究未生心離異者仍視藏事會議條件結果何如耳廓為印藏交通孔道雖久為英人涎視而於通商關準猶絕對的把守閉關英則乘我中原多事川藏途梗鞭長莫及遂施其籠絡手段交歡廓人欲使廓人於齊楚兩大之間擇強而事勢已臥榻逼臨然廓方有鑒於印人墮入彀中相戒循蹈覆轍終不為所動者猶恃與中國有附屬主義也我中央正宜乘此時機揀派專員代表國家安撫一面賞冊崇封錫加勲位分頒等章一面詳查廓商在藏因亂損失財產究有若干一俟查明即

電陳中央撥款撫卹再令將從前朝貢概行豁免照蒙古西藏例選員駐京參預政
事移五年覲貢煩苛之費以資旅程事易行而情更密一以輯廓人輔助上國之心
一以符五族共和平等之旨至其對待手續必視安撫外蒙西藏當更超特優異俾
足喚起各族觀感而拱固我東亞和平強大之基再南詔毗連緬藏與西藏宗教有
密切關係其土司刁安文在民國肇造之初時與達賴暗通聲息異志已萌幸滇督
防患周密致該土司調用京師然其中野心勃勃繼續亦自有人兼之英人時在野
番片馬多方布設必欲施其侵略政策而後已深恐一旦經營成熟全邊勢必騷然
不寧惟是輿論喧傳亂黨密派有人到藏聯絡等語雖未據為盡實然亦意計中事一得之愚是否有當伏乞
大總統飭核施行

中華民國三年四月十八日

西藏軍機處法府李鼎原 呈

6

22

ABC
10
1297.5